



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/05-14-17581-1/19
Sarajevo, 23.10.2019. godine

UNIVERZITET U SARAJEVU
Sarajevo, Obala Kulina bana 7/II
n/r Prof. dr. Rifat Škrijelj, rektor

PREDMET: Informacija, dostavlja se

Poštovani,

ovim Vas informišemo da će Ministarstvo za obrazovanje, nauku i mlade Kantona početkom novembra 2019. godine objaviti Javni poziv za sufinansiranje III ciklusa studija dobitnicima priznanja „Zlatna značka Univerziteta u Sarajevu“. Početkom decembra 2019. godine očekujemo okončanje svih aktivnosti po predmetnom Javnom pozivu.

S obzirom da konkurse za prijem kandidata na III ciklus studija organizacione jedinice Univerziteta u Sarajevu objavljuju u različitim terminima odnosno prije ili za vrijeme trajanja Javnog poziva Ministarstva, ovim Vam upućujemo molbu da organizacione jedinice koje su eventualno okončale konkursnu proceduru te među kandidatima imaju upisane dobitnike priznanja „Zlatna značka Univerziteta u Sarajevu“ prolongiraju zahtjeve za uplatu školarina istima, a do okončanja procedure po Javnom pozivu Ministarstva.

Nakon okončanja procedure po Javnom pozivu Ministarstva, organizacionim jedinicama Univerziteta u Sarajevu će, putem preraspodjele, biti doznačena sredstva za sufinansiranje troškova studija. Precizan iznos sredstava za sufinansiranje troškova III ciklusa studija za svakog kandidata će biti poznat nakon okončanja procedure po Javnom pozivu Ministarstva.

Molba se temelji na činjenici da, prema navodima kandidata, predugo traje proces refundiranja troškova za kandidate koji su u prethodnim godinama morali uplatiti školarinu u slučajevima kada je konkursna procedura upisa na III ciklus studija na fakultetima Univerziteta u Sarajevu okončana prije procedure po Javnom pozivu Ministarstva.

S poštovanjem,



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

